

Soziolinguistika Klusterraren, Mariaren Lagundia ikastolaren, Aranzadi ikastolaren eta Bergarako Udalaren arteko hitzarmena BERBEKIN (Bergaran Berbazko Komunikazioa indartzea) egitasmoari jarraipena emateari buruzkoa.

Bergaran, bi mila eta hemeretzi abenduaren 17an.

BILDU DIRA

Gorka Artola Alberdi jauna, Bergarako Udaleko alkatea, Bergarako Udalaren ordezkari.

Imanol Larrea Mendizabal jauna, adinez nagusia, Soziolinguistika Klusterraren izenean.

Gotzon Iparragirre San Sebastian jauna, I zenbakiduna, Mariaren Lagundia ikastolako zuzendaria, ikastola horren izenean.

Agurtzane Loidi Larrañaga andrea, I zenbakiduna, Aranzadi ikastolako zuzendaria, ikastola horren izenean.

Lau aldeek elkarri aitortzen diote ordezkatzeko duten entitatea ordezkatzeko eta behartzeko gaitasuna eta, hala, honakoa

ADIERAZI DUTE

1.- Soziolinguistika Klusterrak Bergaran haur eta gazteetan ahozko komunikazioa hobetzeko egitasmo pilotu bat abian jartzeko elkarlanerako proposamena aurkeztu ziola 2013an Bergarako Udalari.

2.- Proposamen haren haritik herriko ikastetxeei egin zitzaizkien Berbekin (Bergaran Berbazko Komunikazioa indartzea) izeneko egitasmo pilotua bideratzeko proposamena, eta Mariaren Lagundia eta Aranzadi ikastolek azaldu zuten programa ikastetxean inplementatzeko prestutasuna. Horretaz aparte, Ipintza institutuak ere gaiaren gaineko formazioa jaso zuen, programa bera inplementatu gabe.

3.- Ikerlan aplikatu horren helburua da ikastetxean edozein ikasgaitan ahozko jardunaren presentzia eta kalitatea handitzea.

4.- Programa bideratzeko, hitzarmenak egin ziren 2014an, alde batetik, Gipuzkoako Foru Aldundiarekin eta Eusko Jaurlaritzarekin, programa diruz laguntzeko, eta, bestetik, aipatu hiru ikastetxeekin egitasmoan parte hartzeko.

5.- Hitzarmen horien indarraldia 2018. urtean amaitu zen eta bai Soziolinguistika Klusterrak eta bai Mariaren Lagundia eta Aranzadi ikastolek interesa azaldu egitasmoari jarraipena emateko, eta Udalari horretarako laguntza eskatu diote

Hala, beraz, lau aldeek

ADOSTEN DUTE

LEHENENGOA. Soziolinguistika Klusterrak Berbekin egitasmoaren ikerketa aplikatua garatzen jarraituko du 2019. urtean zehar Aranzadi eta Mariaren Lagundia ikastoletan, hitzarmen honen eranskinean jasotzen diren jarraibideen arabera.

BIGARRENA. Bergarako Udalak Soziolinguistika Klusterrak ikastetxe bakoitzean programari eskaintzen dion jarduna diruz lagunduko du. Laguntzaren zenbatekoa kostuaren %67koa izango da, gehienez ere 2500 euro ikastetxe bakoitzeko. Gainontzeko %33a ikastetxe bakoitzak jarriko du. Hala, beraz, Udalak gai honetarako bideratuko duen gehienezko laguntza 5000 eurokoa izango da.

Dirulaguntza hori 2 zatitan ordainduko da, era honetan: hitzarmena sinatzean laguntzaren %60 eta programaren memoria, balantze ekonomikoa eta gastuen zuritze-agiriak aurkeztean gainontzeko %40a.

HIRUGARRENA: Horretaz gain, Soziolinguistika Klusterrak honako konpromisoak hartzen ditu:

a) Ekintzaren gaineko edozein zabalkunde-jardueratan Bergarako Udalaren laguntza jaso izana adieraziko du.

c) Gizarte Segurantzarekiko eta Foru Ogasunarekiko ordainketetan egunean dagoela egiaztatzen duten agiriak aurkeztu beharko ditu.

d) Bergarako Udalaren aurrean ziurtatu beharko du baldintza guztiak betetzen dituela, hala nola, dirulaguntza jasotzen duen zerbitzuaren jarduera eta helburua betetzen direla.

e) Udalak egin litzakeen ikuskapenak erraztuko ditu.

f) Bergarako Udala jakinaren gainean jarriko du baldin eta Udalak diruz laguntzen duen jarduerarako beste dirulaguntzarik lortuz gero.

Beste dirulaguntzaren bat jasoko dela jakin bezain azkar jakinarazi behar zaio Udalari, eta, betiere, azken zatia ordaindu baino lehen.

g) Gutxienez bost urtez gordeko ditu jasotako diruari eman zaion erabilera agertzen duten agiri originalak.

LAUGARRENA: Udalak emango duen dirulaguntzaz gain helburu bera duen beste edozein dirulaguntza ere jaso daiteke.

Hala eta guztiz ere, dirulaguntzak (Udalarenak bakarrik edo beste batzuenekin batuta) ezingo du inola ere gaudituz diruz laguntzen den jardueraren kostua.




BOSGARRENA: Dirulaguntza emateko kontuan hartu diren baldintzetakoren bat aldatuko balitz edo, Udalaren laguntzaz gain, beste administrazio batek edo entitate pribatu edo publiko batek emandakoa jasoko balitz, gerta liteke emandako kopurua aldatzea.

SEIGARRENA: Dirulaguntza berrikusi egingo da eta, egoki bada, kendu, baldin eta hauetakoren bat gertatzen bada:

a) Dirulaguntza bete beharreko baldintzak bete gabe jasotzea.

b) Dirulaguntza erabiltzea lortu beharreko helburua ez den beste helburu baterako.

Edozein arrazoiengatik, dirulaguntza (osoa edo zati bat) itzuli beharra balego, diru kopuru hori zuzenbide publikoko sarreratzat hartuko da.



ZAZPIGARRENA: Hitzarmen honetan aurreikusita ez dagoen guztian, dirulaguntzak arautzen dituen 38/2003 Estatuko Legea, azaroaren 17koa, eta lege hau garatzen duen erregelamendua, 2006ko uztailaren 21eko 887/2006 Errege Dekretuaren bitartez onartua, aplikatuko dira.

Eta horrela jasota gera dadin, dokumentu honetako edukiarekin adostasuna azalduz eta leial betetzeko konpromisoa hartuta, goian aipatutako toki eta egunean bikoiztuta sinatzen dute.



Imanol Larrea Mendizabal
Soziolinguistika Klusterra
Elkarteko zuzendaria



Gorka Artola Alberdi
Bergarako alkatea

Agurtzane Loidi Larrañaga
Aranzadi ikastolako zuzendaria



San Martin plaza, 4 • 20570 Bergara
Tel.: 943 769 071 • Faxa: 943 769 177

Gotzon Iparragirre San Sebastian
Mariaren Lagundia ikastolako zuzendaria





ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿՐԹԱԿԱՆՈՒԹՅԱՆ ԻՐԱԿԱՆՈՒԹՅԱՆ
ՄԻՆԻՍՏԵՐԱՆ

